

綠筠書屋詩鈔

曾孫滋鈞謹
書牋

(二)

綠筠書屋詩鈔卷六

閩縣 葉觀國 毅庵

垂橐集

起乾隆丙戌
盡丁亥一年

春暮感懷

襪被新從嶺外歸江城連日雨霏霏到門野水兼潮上
極浦孤雲帶雁飛三徑荒來蓬藿合兩楹奠後寢庭非
同時被命嚴徐輩盡策騏駟向洛畿

孫觀察德和

孝愉

餉鮒魚賦謝

銀鱗耀日尙晶熒貫柳攜將出閣鈴去乙旋聞碁几響

受辛先覺桂椒馨未成塹塹餐杭稻

東坡羨陂魚詩香
杭飽送如塹塹

預分飛觥醉醪醕珍重使君分惠意絕勝菜把送園丁

春暮友人招遊西湖

琉璃千頃漾微風畫舫飄然碾碧空杖屨討春十里近
林泉話舊一尊同笙歌漫憶前王樂詞賦長誇曩詰工
醉去逍遙塵壒外何須杭穎較雌雄

蘇詩未覺杭
穎誰雌雄

讀漢書漫成二絕句

董宣布被訣妻孥問遣何由到郅都莫道漢家多酷吏
清風猶足愧貪夫

列鼎鳴鐘起賣漿千皮貂貉萬蹏羊莫嗤若輩爲錢鹵

一半金縢飽曲陽

王根封
曲陽侯

林秀才心香

擎天

以許甌香詩扇月溪墨竹及

藍采飲畫見貽賦謝三首

晉字唐詩二妙兼煙梢露簪映疏簾風流二老如義獻
斷墨殘綃抵百縑

物外高人藍采飲滄江詩卷世爭傳卽看一幀秋臯筆

不減神仙郭恕先

畫爲江皋
秋晚圖

追陪硯席憶髫齡故里相逢各髣髴星不厭無厭願有復

欲從內史乞蘭亭

心香大父吉人先生工書
有縮臨蘭亭石刻精甚

移居六首

門戶居然換草圭親除瓦礫剗蒿藜浮雲久出尋蹤返

倦鳥初歸棟樹栖潘岳面城心自遠龜蒙泛宅願猶睽
求田問舍吾何敢爲便蓬窗展尺蹠

故老傳聞事可誇門閭曾駐大賢車升堂入室吾滋愧

巨棟高豐我已奢朱紫久欽名德里芙蓉還憶舊時花

更憐對宇精藍是好覓湯休共鬪茶

相傳宅爲長樂二劉先生故居朱子

嘗講學於此其地名芙蓉園後通朱紫坊東連法海寺

蕭然家具雜餅罌白犬丹雘也從行婢料米鹽心覺倦
奴擎囊篋意嫌輕藥鑪茗盃安排審竹簟簾牀布置平
猶有誇張不貧處縹函緗帙架縱橫

鸞鳳鷦鷯等一枝但堪容膝便伸眉雖慙許伯歌鐘日

尙勝梁鴻賃廡時梓澤樓臺旋寂寞平泉花石幾遷移
多生苦愛無餘物待種琅玕傍綠墀

蓋頂先人有敝廬祇愁偏仄礙冠裾三間恰稱機雲住
一室原難姑婦居卻對秋風懷丙舍猶欣微雨奉輕輿
燈前循誦新昌句羞澀何堪問俸餘

香山新昌新居詩
囊中貯餘俸園外

買閒
田

憶別菰蘆侍禁垣雪鴻蹤跡了無根幾回押券營京
邸兩度衡文坐戟門陶令賦歸仍北牖杜陵卜宅又東
屯便思料理煙霞計金粟臺邊老灌園

秋懷五首

涼炎互主客俛仰乃易位君看憚暑心已作悲秋意夜
來庭葉脫曉岫湧孤翠林蟬咽不鳴沙雁遠初至新沐
感髮稀覺此頭顱異堂堂成暮景歲月忽如寄

今夕復何夕對此燈燭光瓜果羅前庭兒女喧後堂謂
言來乞巧束衽祝且禳巧拙性使然誰能移太行轉喉
求自媚捩手輒招殃斷鶴與續鳧母乃皆不祥婦言慎
勿聽覆我手中觴

涼月挂高林流光落窗牖窗中獨宿人攬衣起搔首空
庭如潑水臥地見疏柳裴裒遂忘寐絡角帶斜斗美人
隔河漢契闊良已久願借凌風翰歲華及未朽

拒霜亦強名朝榮夕已悴安知結根早不竝春花麗黃
菊節凌秋團團綻軒砌露寒風亦緊縱好歲云逝榮華
貴及時晚晚念身世

桃李耀春序松筠榮晚冬物材固自異何用懟秋風日
月如跳丸繫之豈我從生榮歿則已富貴浮雲空古人
骨已朽名字重華嵩不見揚子雲執戟一官終

蔡侍御瞻亭

觀瀾

移疾南歸賦贈

我抱鮮民痛君因風病回一人真半爾萬里亦悠哉好
築安仁室應疏李白杯還期求上藥起蹙待重來

題林丈輪川

在峩

滌硯圖小像

一規溪玉紫翠斑一泓古水波縈環臨池不書亦不賦

妙意正在無言閒平生丹黃坐硯北墾治菰苑闢榛菅

曾爲石君第甲乙屢將蟲篆鐫堅頑

林丈工篆刻喜銘硯著有硯史行世

前身恐是米海嶽鷗波圖裏相追攀

趙松雪嘗作米襄陽滌硯圖唐六如

仿之此圖又藍本六如

高人由來有奇癖意所忤好誰能刪阮孚

蠟屐叔夜鍛形雖爲役神自閒想是興酣欲落筆先浣

腸胃臨潺湲不然詩成拂袖起收拾殘墨掩門關一洗

清明發神智再洗晃朗開心顏有如烟雲初解駁青蒼

重見端州山應知淋漓墨汁涵淹處定有黑蛟蚬蜆

上聲

蟠深灣

初冬邀朱明經

和琢

林秀才心香泛舟西湖

空水渺無際悠然清我心
綠蓑漁艇小黃葉寺門深
騷體元推楚

朱湖
南人

詩家首數林歸橈霑薄醉
暮色起城陰

上元二首

聞道官符下燒燈慶上元
魚龍新戲集簫鼓舊腔翻
傾市香車出沿湖皂蓋屯
華筵供一飽何止萬錢論
冬令雨全斷春宵月復圓
花繁看火樹人醉識豐年
野老占星漢歌場角管絃
歡娛雜愁歎把盞意茫然

春日雜詩四首

春風檐外歸發軔自遙嶺
豈惟如繫馬已向郊原駛

蘇詩

春風如繫馬
未動意先騁
君看園中樹一一
豎蒼頡碧有柳與榆紅

有桃與杏小草半無名
得氣倍森挺萋萋深谷底鬱鬱
層岡頂大哉造化心萬象起衰冷

青陽不可繫繁花復飄散
惜哉盛壯年坐閱妍春晚黃
金擲虛牝回首安可算
豈無來歲日所得匪精悍把玩
理誠難耗磨氣爲短君看伏櫪馬
筋驚肉亦緩

昨夜春水生門前浴暈鷗
獨居歎無侶散懷聊出遊
褰裳背城邑理櫂循汀洲
汀洲亦何有蘭杜蔚輕柔
仰送孤雲翔俛弄淥水流
我友金閨彥遠在天一甌
清尊旣寂寞尺素復沉浮
江漢雖云廣泳游亦可求
安能守兒

女戚戚臥樊邱

少日見春樂老來對春悲東君自今古人事異歲時譬如聽絲竹或乃累歔歔歔亦云徒祇爲達者嗤我有不死藥咀嚙非丹芝一服氣象華再服年壽遲不見韓與歐千春無盛衰

喜雨二首

雨澤經時缺春霖八夜濡紅催花萼破青蘼麥苗蘇井脈新潮上山腰宿靄紆東皇真愛物點滴總勝珠預喜雲頭重還疑雨腳收愁隨檐滴散響竝漏聲悠乍溼將雛燕仍呼逐婦鳩扶犁同日出蓑笠滿西疇

湧泉禪寺徧照長老七十壽

無盡門中歲月寬

寺第二層門扁曰無盡門

白毫光護紫金欄少叅

名岳傳心印老爲靈源起刹竿彈指真令樓觀見降魔

要使梵天安卽看手種千松樹已長龍鱗翠影寒

湧泉寺中

經頽落長老至重新佛宇法侶復集

林心香貽端硯賦謝

東坡有三硯自分用已足還憂手先壞長物當誰屬我硯多於公把翫意猶惡尙思致精好未省厭重複君家富翰墨古硯代藏蓄森森多且良包裹祕箱簾昨上久中樓晤語膝相促檐前樹拂雲架上書連束篆有漢與

秦畫有顧與陸須與出硯材爛漫射窗旭嫩花泛蕉蔥
活眼轉鸛鵒黃龍及翡翠次第勞審覆嗟我似窮子瓦
盆守破屋不采珠林珠安窺玉府玉一枚忽分致珍重
比荆璞貯以露華清試之易水馥霏霏香霧布盎盎翠
雲宿頓洗小齋寒中夜榮光燭

劍津夜泊

翠嶂過雲返照明龍津劍氣尙崢嶸渡頭野艇歸鴉集
城上人家晚火生夜雨乍添丁字水春山惟聽子規聲
誰能載酒呼狂客一上冷風遣旅情

城南三溪合流名
丁字水城中有冷

溪行阻雨二首

平生馬蹏閒意每輕萬里薄遊在鄉國結束聊爾爾豈
知時事殊况欠風日美五日行三舍蹭蹬真可鄙逆風
掣我舟驚雷貫我耳懸流走浩浩怪石橫齒齒回首望
里閭羈思中宵起長歌行路難持寄客遊子

羣山瀉飛瀑萬壑爭一谿鬱律不可受彌望無端倪雙

厓狀谿訝高竝百雉齊

順昌有灘曰城門壠

水石兩拗怒千面喧

蠻鞞噴爲春天濤旋入九地低篙師各斂手蹢躅焉敢
躋共從壁上觀誰施雲中梯我生信多蹇舉步輒留稽

龍湖謁龜山先生祠

在歸化縣學宮右側

絕學承伊水真傳導紫陽道南天啓運星穴地鍾祥經
術精何鄭儒宗邁董揚心惟憂統緒志早薄軒裳百里
羈騏驥千尋翮鳳凰惠聲孚兩浙遺愛在三湘薦牘登
循績清班接省郎未聞相甘傳虛喜召龔黃納牖辭諄
懇排闥意慨慷纏緜唐陸贄激切漢王章新義尊安石
餘殃到靖康人心迷燕蝠邪說亂蜩蟬配食名誠忝王
封分豈當風霆飛白簡天日豁青霜大將庸童貫諸生
訟李綱朝端輕柱石閫外寄貂璫時事關懷獨安危畫
策長禮雖優汲黯意已失申詳麝謗非無口鴻冥自有
鄉經綸施未竟雲壑道彌光龜阜專祠古龍湖舊宅荒

粉榆比鄒魯蘋藻傍宮牆落日停行李遺風炷瓣香無

緣容立雪翹首讀書堂

含雲山有先生書室

夏日偕及門諸子遊霹靂朝斗二巖追次宗子

相徐子與兩先生韻二首

華陽館俯列峯平赤日黃塵到此清竈冷已辭騎鶴客

亭荒猶聽讀書聲

舊讀書亭已廢今有李氏書齋在碧雲洞傍

迎人石作千

夫立拂袖雲從兩腋生可信仙源在人境萬家煙火隔

層城

右霹靂巖次徐韻

百道懸流灑面寒蒼厓片片削琅玕坐來天欲無三伏